



UNIVERSITÄTS-
BIBLIOTHEK
PADERBORN

Universitätsbibliothek Paderborn

Confessio oder Bekanntnus des glaubens etlicher Fürsten vnnd Stedte

[Erfurt], 1532

VD16 C 4746

Vo[n] rechtem brauch des Sacraments/ vnd von dem opffer.

urn:nbn:de:hbz:466:1-35320

wenn die yhentgen/ so versänet sein/ solch trubsal tra-
gen vnd leiden.

Vnd diese kurtze wort sind antwort gnug widder
die spräche der Veter schützen vns auch gnug wid-
der vnser widderfacher/ Denn es ist gewis das die
trewne/ von oyere operato/ nirgent inn der Veter
büchern odder schrifftten funden werdē/ Aber damit
diese ganze sache/ vñ hādel vñ der Messe deste Elerer
zuuerstehē sey/ so wollē wir auch vom rechten brauch
des Sacraments reden/ vnd also wie es ynn der heil-
igen schrifft vnd ynn allē schrifftten der Veter auch
zufinden.

Vñ rechtem brauch des Sacraments/ vnd von dem opffer.



Äliche furwitzige

gelarten/ ertichten yhnē selbst/ dz Abē-
mal des Herrn sey vñb zweierley vrsachē
willen eingesetzt/ Erstlich dz es sey
ein losung vnd zeichen eins ordens/ wie
die Monachskapen yrer orden vnterschied vñ zeich-
en sein/ Darnach gedencken sie/ Christus habe son-
derlich wolgefallen/ die selbige losung/ durch ein
essen/ odder Abendmal/ zugeben odder anzurichten/
das er anzeigt die freuntschafft brüderlicher verwā-
nis/ so vntern Christen sein sol/ Denn miteinander
essen vnd trincken/ ist ein zeichen der frenndschafft/
Aber das ist ein menschlicher gedanc/ vñ zeigt nicht
den rechten brauch des Sacraments an/ Da wird al-
lein von liebe vñ freundschaft gered/ wilchs weltlich
leute

leute auch verſtehe/ Da iſt aber vñ glaube nicht geteilt
o. der vñ d. verheiſſung gotes/ wilchs d. größt iſt/ wilcher
g. aube ein viel höher/ größer ding iſt/ den mñ gedēkt.

Die Sacramēte aber ſind zeichē des Göttliche wil
lens gegē vñ/ vñ ſind nicht allein/ loſungē oder zeichē
den/ da bey ſich die leute kennen vñ die ihemigē ſagē
recht/ die da ſagen/ die Sacramēta ſind ſigna gratie/
das iſt/ die Sacramēt ſind zeichen der gnade/ Vñ die
weil im Sacrament zwey dinge ſein/ d. eufferlich zeichē
vñ das wort/ So iſt im neuen Teſtament/ d.
wort/ die verheiſſung der gnade wilche dem zeichē an
gehefft iſt/ Vñ die ſelbige verheiſſung im neuen Teſ
tament/ iſt ein verheiſſung der vergebung der ſunde/
wie der Text ſagt/ Das iſt mein leib/ der für euch ge
ben wird/ Das iſt des blut/ wilchs vergoſſen wird für viele/ zur ver
gebung der ſunde/ Das eufferlich zeichen iſt wie ein
ſigel/ vñ bekrefftigūg d. wort vñ verheiſſung/ wie
es paulus auch nennet/ Darumb wie die verheiſſung
vergeblich iſt/ wenn ſie nicht durch den glauben ge
faßt wird/ Also iſt auch die Ceremonia oder euffer
lich zeichen nicht nütz/ es ſey denn der glaub da/ wilch
er warhafftig dafür helt/ das vñ vergebung der ſun
de widerferet/ Vñ der ſelbige glaub tröſtet die erſch
rockenē gewiſſen/ Vñ wie Got die verheiſſung gibe/
ſolchen glauben zu erwecken/ also iſt auch das euffer
lich zeichen danebē geben vñ für die augen geſtelt/
das es die hertzen zu glaubē bewege/ vñ den glauben
ſtercke/ Denn durch die zwey/ durchs wort vñ euffer
lich zeichen/ wircket der heilige geiſt

Vñ diſ iſt der rechte brauch des heiligen Sacra
ments/ weñ durch den glauben an die Göttlichen ver
heiſſung/ die erſchrockenen gewiſſen werden auffge
richt/ Vñ diſ iſt der rechte Gottes dienſt im neuen
Teſtament/ Denn im neuen Teſtament gehet der
höchſt

höchst Gottes dienst/ ynnwendig ym hertzen zu/ das
wir nach dem alten Adam getödt/ rwerdē/ vñ durch
den heilige Geist new geboren werdē/ vñ dazu hatauch
Christus ds Sacramēt eingesetzt/ da er sagt/ Solchs
thut zu meinem gedechtnis/ Denn solchs zu Christi
gedechtnis thun/ ist nicht ein solch ding/ das allein
mit geberden vnd wercken zugehet/ allein zu einer er
yinnerung vnd zu einem Exempel/ wyre man ynn Zi
storien Alexander vnd der gleichen gedechtet etc/ son
dern heist da Christum recht erkennen/ Christi wolo
that suchen vnd begeren/ Der glaub nu/ der da er
kennt die vberschwenckliche gnade Gottes/ der ma
cht lebendig.

Vnd dz ist der fürnemeste brauch des Sacramēts/
daran wol zu mercken/ welche recht geschickt sein zu
dem Sacrament/ nemlich die erschrockene gewissen
welche yhre sünde fülen/ für Gottes zorn vnd vrtail
erschrecken/ vnd sich nach trost senen/ Darumb sagt
der psalm/ Er hat ein gedechtnis gemacht seiner
wunder/ der gnedige vñ barmherzige Herre/ Er
hat speise geben/ denen/ so yhnen fürchten/ Vnd der
glaube/ der da erkennet solch barmherzigkeit/ der
macht lebendig/ vñ das ist der rechte brauch des
Sacraments.

Da ist denn auch/ vnd findet sich das danckopffer
odder danck sagung/ Denn wenn das hertz vnd gewis
sen entpfindet/ aus was grosser not/ angst vñ schre
cken es erlöset ist/ so dancket es aus hertze grunde/ für
so grossen vnsagliche schatz/ vñ braucht auch der Cer
emonien/ oder eusserliche zeichen zu Gottes lobē/ vñ
erzeiget sich/ das es solch Gottes gnade mit danckbar
keit annehme/ gros vnd hoch achte/ Also wyrd die Me
sse ein danckopffer odder opffer des lobes.

Vnd also reden die Veter dauon/ von zweyerley
effect odder nütze des Sacraments/ Erstlich/ das da
durch

durch die gewissen getröstet werden/ Zum andern/
das Gott lob vñ danck gesagt wird/ Das erst gehört
eigentlich zum rechten brauch des Sacraments/das
ander zu dē opffer/ Vom trost sagt Ambrosius/ Ge-
het zu yhm/ das ist/ zu Christo vnd entpfahet gnade
etc/ Denn er ist die vergebung der sünde/ Stagerhe
aber wer er sey/ Höret ihnen selbst reden/ Ich bin dē
brod des lebens/ Wer zu mir kömpt / den wird nicht
hungern/ vñ wer an mich gleubet den wird nicht dür-
sten/ Da zeigt er an/ mit dem Sacrament/ angebotē
wird vergebung der sünde/er sagt auch mā sol solchs
mit dem glauben fassen/ Man find der spruch vnser
lich ynn der Veter Büchern / wilche die widersacher
alle auff das opus operatum/ vñ auff das Messe halt-
ten/ so fur ander geschihet/deuten/ So doch die Ve-
ter vom glauben an die verheissung Gottes/vnd vñ
dem trost/ den die gewissen empfangen/ reden/ vnd
de applicatione/gar nichts sagen.

Darüber findet man sprüche yn den Veteren/von
danck sagung/ wie den Cepranus fast lieblich redet
vom Christlichen Communiciren / Ein Christlich
hertz/sagt er Itzilet seinen danck auff einem teil/vor
den geschandten schatz/ auffs ander teil/ fur die ver-
gebenen sünde/ vnd dancket fur so reiche gnade/ Das
ist ein Christlich hertz/ das sihet an/ was yhm geschä-
ndt ist yn Christo / vñnd was yhm auch fur grosse
schuld aus gnaden verlassen ist / hellet gegenander/
vnsern jammer/ vnd die grosse barmhertzigkeit Got-
tes / vnd danckt Gott etc / Vnd daher ist es Eucha-
ristia genent ynn der kirchen/ Darumb ist die Messe
nicht ein solche danck sagung / die man ex opere ope-
rato/fur ander thun oder haltē solle / yhnē vergebūg
der sünde zuerlāgē/ Des solchs were stracks wider den
glaubē/gleich als die Messe/oder die eusserlich Cere-
monie/ one den glaubē jmāds from vñ selig machet
Von